



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

კაკი

კაკი, კ ა ხ ი, საქართველოს ისტორიული პროვინციის, ჰერეთის მნიშვნელოვანი პუნქტი და მხარე ახლანდ. XX ს. 30-იანი წლებიდან აზერბაიჯანის რესპუბლიკის ფარგლებშია. მოიცავს კახის რ-ნის ტერიტორიას. ისტ. პუნქტი კ. რ-ნის ადმ. ცენტრია. პირველად იხსენიება XI ს. დასაწყისში, როგორც მნიშვნელოვანი სავაჭრო დაბა.

პოლიტ. ერთეულად ჩამოყალიბდა მას შემდეგ, რაც 1604 ირანის შაჰმა აბას I-მა კახეთის მეფე ალექსანდრე II-ს ჰერეთის აღმოსავლეთი განაპირა თემი – კ. ჩამოართვა და წახურელ ლეკებს გადასცა. კ. იყოფოდა 3 ნაწილად: კახ-ბაში, კახ-ინგილო და კახ-მუალი. XVIII ს. I მეოთხედში კ-ში საბოლოოდ ჩამოყალიბდა წახურელ ლეკთა ე. წ. უბატონო თემები (ელისუს, ყარადულაკის, სუვაგილისა და წახურის), რ-თაც კახეთის სამეფოს საკმაოდ დიდი ნაწილი თავიანთი გავლენის ქვეშ მოაქციეს და დაიმორჩილეს. ასე ჩაეყარა საფუძველი შემდგომი დროის ელისუს სასულთნოს, რ-იც XIX ს. შუა ხანებში რუს. იმპერიის შემადგენლობაში შევიდა.

1860-1917 კ. წარმოადგენდა თბილისის გუბერნიის ბაქათალის ოლქის ნაწილს. 1918-21 წლებში შედიოდა საქართველოს დემოკრატიული რესპუბლიკის შემადგენლობაში.

ლიტ.: ბ ე რ ძ ე ნ ი შ ვ ი ლ ი ნ., აღმოსავლეთ კახეთის წარსულიდან, წგ.: საქართველოს ისტორიის საკითხები, ტ. 3, თბ., 1966; პ ა პ უ ა შ ვ ი ლ ი თ., ჭარ-ბელაქანი, თბ., 1972; მ ი ს ი ვ ე, ჰერეთის ისტორიის საკითხები, თბ., 1970.

თ. პაპუაშვილი
